

有獻金馬者與召主簿張祁入於羗前以酒酌地  
曰使焉如羊不以入廐使金如粟不以入懷盡還  
不受威化大行縣東有溫泉溫泉東有鹽池故地  
理志曰縣有鹽官今於城之東北有故城城北有  
三泉疑即縣之鹽官也高平川水又北入于河  
河水又東北逕昫卷縣故城西  
地理志曰河水別出爲河溝東至富平北入河  
水於此有上河之名也

水經卷第二

水經卷第三

漢桑欽撰

後魏酈道元注

河水三

河水又北過北地富平縣西

河側有兩山相對水其間即上河峽世謂之爲青  
山河水歷峽北注枝分東出

河又北逕富平縣故城西

秦置北地都治縣城王莽名郡爲威戎縣曰特武  
建武中曹鳳字仲理爲北地太守政化尤異黃龍  
應於九里谷高岡亭角長三丈大十圍稍至十餘  
丈天子嘉之賜帛百匹加秩中二千石

河水又北薄骨律鎮城

有獻金馬者與召主簿張祁入於羗前以酒酌地  
曰使焉如羊不以入廐使金如粟不以入懷盡還  
不受威化大行縣東有溫泉溫泉東有鹽池故地  
理志曰縣有鹽官今於城之東北有故城城北有  
三泉疑即縣之鹽官也高平川水又北入于河  
河水又東北逕昫卷縣故城西  
地理志曰河水別出爲河溝東至富平北入河  
水於此有上河之名也

水經卷第二

水經卷第三

漢桑欽撰

後魏酈道元注

河水三

河水又北過北地富平縣西

河側有兩山相對水其間即上河峽世謂之爲青  
山河水歷峽北注枝分東出

河又北逕富平縣故城西

秦置北地都治縣城王莽各郡爲威戎縣曰特武  
建武中曹鳳字仲理爲北地太守政化尤異黃龍  
應於九里谷高岡亭角長三丈大十圍稍至十餘  
丈天子嘉之賜帛百匹加秩中二千石

河水又北薄骨律鎮城

城在河渚上赫連果城也桑果餘林仍列洲上但語出戎方不究城名訪諸耆舊咸言故老宿彦言赫連之世有駿馬死此取馬色以爲邑號故曰城爲白口騮韻之謬遂仍今稱所未詳也

河水又逕典農城東

世謂之胡城又北逕上河城東世謂之漢城薛瓚曰上河在西河富平縣即此也馮參爲上河典農都尉所治也

河水又北逕典農城東

俗名之爲呂城皆參所屯以事農

河水又東北逕廉縣故城東

王莽之西河亭地理志曰卑移山在西北

河水又與北枝津

水受大河東北逕富平城所在分裂以溉田圃北流入河今無水爾雅曰澶反入言河決復入者也河之有澶若漢之有潛也

河水又東北逕渾懷鄣西

地理志曰渾懷都尉治塞外者也太和初三齊平徙歷下民居此遂有歷地之名矣南去北城三百里

河水又東北歷石崖山西

去北城五百里山石之上自然有文盡若戰馬之狀粲然成著類以圖焉故亦謂之畫石山也又北過朔方臨戎縣西

河水東北逕三封縣故城東漢武帝元狩三年置十三州志曰在臨戎縣西一百四十里河水又北逕臨戎縣故城西

漢元年立舊朔方郡治王莽之所謂推武也

河水又北有枝渠東出謂之銅口東逕沃野故城南漢武帝元狩三年立王莽之綏武也枝渠東注以溉田所謂智通在我矣

河水又北屈而爲南河出焉河水又北迤西溢於窳渾縣故城東

漢武帝元朔二年開朔方郡治又有西部都尉治有道自縣西北出雞鹿塞王莽更郡曰溝搜縣曰極武其木積而爲屠曰澤澤東西一百二十里故

地理志曰屠申澤在縣東即是澤也闕駟謂之渾澤矣屈從縣北流

河水又屈而東流爲北河東逕高闕南

史記趙武靈王旣襲胡服自代並陰山下至高闕爲塞山下有長城長城之際連山刺天其山中斷兩岸雙闕善能雲舉望若闕焉節狀表目故有高闕之名也自闕北出荒中闕口有城跨山結局謂之高闕戍上古迄今常置重捍以防塞道漢元朔四年衛青將十萬人敗右賢王於高闕即此處也河水又東逕臨河縣故城北漢武帝元朔三年封代恭王子劉賢爲侯國王莽之監河也漢武帝元朔二年大將軍衛青絕梓嶺梁北河是也至河目

縣西

河水自臨河縣東逕陽山南

漢書注曰陽山在河北指此山也東流逕石跡阜西是阜破石之文悉有鹿馬之跡故斯阜納稱焉南屈逕河目縣在北假地名也自高闕以東夾山帶河陽山以去皆北假也史記曰秦使蒙恬將十萬人北擊胡度河取高闕據陽山北假中是也北河又南合南河上承西河東逕臨戎縣故城北又東逕臨河縣南又東逕廣牧縣故城北又東部都尉治王莽之鹽官也逕流二百許里東會于河河水又南逕馬陰山西

漢書音義曰陽山在河北陰山在河南謂是山也

而即實不在河南史記音義曰五原安陽縣北有馬陰山今山在縣北言陰山在河南又傳疑之非也余按南河北河及安陽縣以南悉沙阜耳無他異山故廣志曰朔方郡北移沙七所而無山以擬之是議誌之僻也陰山在河東南則可矣

河水又東南逕朔方縣故城東北

詩所謂城彼朔方也漢元朔二年大將軍衛青取河南地爲朔方郡使校尉蘇建築朔方城即此城也王莽以爲武符者也按地理志云今連青澤鹽澤並在縣南矣又按魏土地記曰縣有大鹽池其鹽大而青白名曰青鹽又名戎鹽入藥分漢置典官鹽池去平地官千二百里在新秦之中服虔曰

新秦地名在北方千里如淳曰長安已北朔方以南也薛瓚曰秦逐匈奴收河南地徙民以實之謂新秦也屈南過五原西安陽縣南

河水自朔方東轉逕渠搜縣故城北

地理志曰朔方有渠搜縣中部都尉治王莽之溝搜亭也禮三朝記曰北發渠搜南撫交阯此與北對南禹貢之所云折支渠搜矣河水又逕西安縣故城王莽更之曰鄣安矣河水東逕田辟城南地理志曰故西部都尉治也屈東過九原縣南

河水又東逕成宜縣故城南

王莽更曰艾虜也

河水又東逕原亭城南

闕駟十三州志曰中部都尉治

河水又東逕宜梁縣之故城南

闕駟曰五原西南六十里今世謂之石崖城

河水又東逕副陽城南

東部都尉治逕河陰縣故城北又東逕九原縣故城南秦始皇置九原郡治此漢武帝元朔二年更名五原也王莽之獲降郡城平縣矣西北接對一城蓋五原縣之故城也王莽填河亭也竹書紀年魏襄王十七年邯鄲命吏大夫奴遷于九原又命將軍大夫適子伐吏皆貂服矣其城南面長河北背連山秦始皇逐匈奴並河以東屬之陶山築亭鄣為河上塞徐廣史記音義曰陶山在五原北即

此山也始皇二十四年起自臨洮東暨遼海西並陰山築長城及南越地晝驚夜作民勞怨苦故楊泉物理論曰秦始皇使蒙恬築長城死者相屬民歌曰生男慎勿舉生女哺用脯不見長城下尸骸相支柱其寃痛如此矣蒙恬臨死曰夫起臨洮屬遼東城塹萬餘里不能不絕地脉此固當死也又東過臨沃縣南

王莽之振武也

河水又東枝津出焉河水又東流石門水南注之水出石門山地理志曰北出石門鄣即此山也西北趣光祿城甘露三年呼韓邪單于還詔遣長樂衛尉高昌侯董忠車騎都尉韓昌等將萬六千騎

送單于居幕南保光祿徐自爲所築城也故城得其名矣城東北即懷朔鎮城也其水自障東南流逕臨沃城東東南注于河

河水又東逕固陽縣故城南

王莽之固陰也地理志曰自縣北出右門鄣河水決其西南隅又東南枝津注焉水上承大河於臨沃縣東流七十里北溉田南北二十里于河

河水又東逕塞泉城南而東注又東過雲中楨陵縣南又東過沙南縣北從縣東屈南過沙陵縣西

大河東逕咸陽縣故城南王莽之賁武也

河水屈而流白渠水注之

水出塞外西逕定襄武進縣故城北西部都尉治

王莽更曰伐蠻世祖建武中封趙慮爲侯國也白渠水西北逕成樂固北郡國志曰樂固屬定襄也魏土地記曰雲中城東八十里有成樂城今雲中郡治一名石盧城也白渠水又西逕魏雲中宮南魏土地記曰雲中宮在雲中故城東四十里白渠又西南逕雲中故城南故趙地虞氏記云趙侯自五源河曲築長城東至陰山又於河西造大城一箱崩不就乃改卜陰山河曲而禱焉晝見群鵠遊于雲中徘徊經日見大光在其下武侯曰此爲我乎乃即于其處築城今雲中城是也秦始皇十三年立雲中郡縣曰遠服矣白渠水又西北於沙陵縣故城南王莽之希思縣也其水西注沙陵湖又

有芒湖水塞外南逕鍾山山即陰山故即中侯應言於漢曰陰山東西千餘里單于之苑囿也自孝武出師攘之於漢北匈奴失陰山過之未嘗不哭謂此山也其水西南逕武臯縣王莽之永武也又南逕原陽縣故城西又西南與武泉水合其永東出武泉縣之故城西南縣即王莽之所謂順泉者也水南流又西屈逕北輿縣故城南按地理志曰五原有南輿縣王莽之南刑也故此加北舊中部都尉十三州志曰廣陵有輿故加北疑太踈遠也其水又西南入芒于水西南逕白道南谷口有城在右策帶長城背山面澤謂之白道南谷口有城自城北出有高坂謂之白道嶺公路唯土穴出泉



挹之不窮余每讀琴操見琴慎相和雅歌錄云飲  
馬長城窟及其坂陟斯途遠懷古事始知信矣非  
虛言也顧瞻在右山樹之上有垣若頽基焉泂谿  
巨嶺東西無極疑趙武靈王之所築也芒于水又  
南西逕雲中城北白道中溪水注之水發源武川  
北塞中其水西南流逕武川鎮城以景明中築以禦  
北狄矣其水西南流歷谷逕魏帝行宮東世謂之  
阿計頭殿宮城在白道嶺北阜上其城員角而不  
方四門列觀城內唯臺殿而已其水又西南歷中  
谿出山西南流於雲中城北於雲中城北南注芒  
于水芒于又西塞水出懷朔鎮東北芒中南流逕  
廣德殿西山下余以太和十八年從高祖北巡屆

於陰山之講武臺臺之東有高祖講武碑碑文是  
中書郎高聰之辭也自臺西出南上山山無樹木  
唯童阜耳即廣德殿所在也其殿四柱兩厦堂宇  
綺共圖畫奇禽異獸之象殿之西北便得焜煌堂  
雕楹鏤桷取狀古之温室也其時帝幸龍荒遊鸞  
朔北南秦王仇池楊難當捨蕃委誠重譯拜闕陛  
見之所也故殿以廣德爲名魏太平真君三年刻  
石樹碑勤宣時事碑頌云肅清帝道振攝四荒有  
蠻有戎自彼氐羗無思不服重譯稽顙恂恂南秦  
歛歛惟忘峨峨廣德弈弈焜煌侍中司徒東郡公  
崔涪之辭也碑陰題宣成公李孝伯尚書盧遐等  
從臣姓名若新鏤焉其水歷谷南出陰山西南入

芒于水芒于水又西南注沙陵湖湖水西南入干河

河水南入楨陵縣西北

緣胡山歷沙南縣東北兩山二縣之間而出余以太和中為尚書郎從高祖北巡親所逕涉縣在南山王莽之楨陵也北去雲中城一百二十里縣南六十許里有東西大山山西枕河河水南流脉水尋經殊乖川去之次似非關究也

又南過赤城東又南過定襄桐過縣西

定襄郡漢高六年置王莽之得降也桐過縣王莽更名椅桐者也

河水於二縣之間濟有君子之名

昔漢桓帝十三年西幸榆中東行代地洛陽大賈齎金貨隨帝後行夜迷失道往投津長曰子封送之渡河賈人卒死津長理之其子尋求父喪發冢舉尸資費一無所損其子悉以金與之津長不受事聞於帝曰君子也即名其津為君子濟濟在雲中城西南二百餘里

河水又東南左合一水

水出契吳東山西逕故里南而北俗謂之契吳亭其水又西流注于河

河水又南樹頽水注之

水出東山西南流右合中陵川水水出中陵縣

南山下北俗謂之大浴其山水亦取名焉東北流

逕中陵縣故城東北俗謂之北右突城王莽之遮  
害也十三州志曰善無縣南七十五里有中陵縣  
世祖建武二十五年置其水又西北右合一水水  
出東山北俗謂之貸敢山水又受名馬其山自西  
北流注于中陵水又西北流逕善無縣故城西王  
莽之陰館也十三州志曰舊定襄郡治地理志鴈  
門郡治其水又西北流又會一水水出東山下北  
俗謂之吐文水山又取名焉北流逕鋤亭南西流  
土壁亭南西出峽左入中陵水水又北分爲一水  
一水東北流謂之流水又東逕沃陽縣坎城南北  
俗謂之可不塋城王莽之敬陽也又東北逕沃陽  
城東又東合可不塋水出東南六十里山下西北

流注沃水又會東逕叅合縣南魏因叅合陁以即  
名也北俗謂之倉鶴陁道出其中亦謂之叅合口  
徑在縣之西北即燕書所謂太子寶自河還師叅  
合三軍奔潰即是處也魏立縣以隸涼城郡也西  
去沃陽縣故城二十里縣北十里有都尉城地理  
志曰沃陽縣西部都尉治者也北俗謂之阿養城  
其水又東合一水水出縣東南六十里山下北俗  
謂之災豆渾水西北流注于沃水又東北流注鹽  
池地理志曰鹽澤在東北者也今鹽池西南去沃  
陽故城六十五里池水激渟淵而不流東西三十  
里南北二十里池北七里即涼城郡注池西有舊  
城俗謂之涼城也郡取名焉地理志曰澤有丞長

此城即長丞所治也城西三里有小阜阜下有泉  
東南流注池北俗謂之大谷此佳水亦受目焉中  
陵川水自枝津西北流右合一水於連嶺北出沃  
陽縣東北山下北俗名之烏伏真山水曰誥升袁  
河西南流逕沃陽縣左合中陵川亂流西南與一  
水合北俗謂之樹頽水水出東山下西南流石合  
誥升袁水亂流西南注分爲二水左水枝分南出  
北俗謂之太河羅右水西逕故城南北俗名之昆  
新城其水自城西南流注于河

河水又南太羅水注之

水源上承樹頽河南流西轉逕武縣故城南十三  
州志曰武縣在善無西百五十里北俗謂之太羅

城水亦藉稱焉其水西南流右水注之水導故城  
西北五十里南流逕城西北名之曰故槃迴城又  
南流注太羅河太羅河又西六流注于河

河水又左得湍水口

水出西河郡美稷縣東南流東觀記曰郭伋細侯  
爲并州牧前在州素有恩德老小相攜道路行部  
到西河美稷數百小兒各騎竹馬迎拜伋問兒曹  
何自遠來曰聞使君到喜故迎伋謝而發去諸兒  
復送郭外問使君何日還伋計日告之及還先期  
一日念小兒即止野亭須期至乃徃其水又東南  
流羗人因水以氏之漢冲帝時羗湍狐奴歸化蓋  
其渠師也其水俗亦謂之爲遄波水東南流入長

城東鹹水出長城西鹹谷東入湍水又東南渾波水出西北窮谷東南流注于湍水湍水又東逕西河富昌縣故城南王莽之富成也湍水又東流入于湍水左合一水出善無縣故城西南八十里其水西流歷于呂梁之山而爲呂梁洪其巖層岫行澗曲崖深巨石崇竦壁立千仞河流激盪濤湧雲襄雷奔洩震天動地曰呂梁未闢河出孟門之上蓋大禹所闢以通河也司馬彪曰呂梁在離石縣西今於縣西歷山尋河乃無過峘至是乃爲河之臣嶮即古梁矣在離石北而以東可二百有餘里也

又南過西河固錯陽縣東

西河郡漢武帝元朔四年置王莽改曰歸新固水出上郡白上縣固谷東逕其縣南地理志曰固水出西東入河王莽更曰黃土也東至長城與神銜水合水出縣南銜山峽山東出至長城入于固固水又東逕鴻門縣縣故鴻門亭地理風俗記曰固陰縣西五十里有鴻門亭天封苑火井廟火從地中出固水又東梁水注之水出西北梁谷東南流注固水又東逕固陰縣北漢惠帝五年立王莽改曰方陰矣又東桑谷水注之水出西北桑溪東北桑溪東北流入于固固水又東逕固陰南東流注于河

河水又東端水入焉

水西出號山山海經曰其山木多陘榎其草多穹窮是多冷石端水出焉而東流注于河河水又南諸次之水入焉

水出上郡諸次上山海經曰諸次之山諸次水出是山多木無草鳥獸莫居是多衆蛇其水東逕榆林塞世又謂之榆林山即漢書所謂榆溪舊塞者也自溪西去悉榆柳之藪矣緣歷沙陵屈龜茲縣西出故謂廣長榆也王恢云樹榆爲塞謂此矣蘇林以爲榆中在上郡非也按始皇本紀西北逐匈奴自榆中並河以東屬之陰山然榆中在金城東五十許里陰山在朔方東以此推之不得在上郡漢書音義蘇林爲是失也其水東入長城小榆林

水合焉歷澗西北窮合其源也又東合首積水西出首積溪溪東注諸次水又東入于河山海經曰諸次之水東流注于河即此水也

河水又南陽水注之

山海經曰水出上申之山上無草木而多礫石下多榛楛湯水出焉東流注于河也

又南離石縣西奢延水注之

水西出奢延縣西南赤沙阜東北流山海經曰所謂生水出孟山者也郭景純曰孟或作明漢破羗將軍段熲破羗於奢延澤虜走洛川洛川在南俗因縣土謂之奢延水又謂之朔水矣東北流逕其縣故城南王莽之奢節也赫連龍昇七年於是水

之北黑水之南遣將作大匠梁公叱于阿梨改築大成名曰統萬城蒸土加功雉堞雖久崇墉若新并造五兵器銳精利乃成百鍊爲龍雀大鑲號曰大夏龍雀銘其背曰古之利器吳楚湛盧大夏龍雀名冠神都可以懷遠可以柔逋如風靡草威服九區世甚珍之又鑄銅爲大鼓及飛廉翁仲銅馳龍虎皆以黃金飾之列於宮殿之前則今夏州治也奢延水又東北與溫泉合源西北出沙溪而東南流注奢延水奢延水又東黑水入出奢延縣黑澗東南歷沙陵注奢延水奢延水又東合交蘭水出龜茲交蘭谷東南流注奢延水奢延水又東北流與鏡波水合水源出南邪山南谷東北流注于

奢延水奢延水又東逕膚施縣帝原水西北出龜茲縣東南流縣因茲降胡著稱又東南注奢延水又逕膚施縣南秦昭王三年置上郡治漢高祖并三秦復以爲郡王莽以漢馬員爲增山連率歸世祖以爲上郡太守司馬彪曰增山者上郡之別名也東入五龍山地理志曰縣有五龍山也帝原水自下亦爲通稱也歷長城東出于赤翟白翟之中又有年水出西北平溪東南入奢延水又東走馬水注之水止西南長城北陽周縣故城南橋山昔二世賜蒙恬死於此王莽更名上陵山上有黃帝塚故也帝崩唯弓劍存焉故世稱黃帝仙矣其水東流昔段熲追差出橋門至走馬水閒羗在奢延

澤即北處也門即橋山之長城門也始皇令大將扶蘇與蒙恬築長城起自臨洮至于碣石即是城也其水東北流入長城又東北注奢延水又東與白羊水合其水出于西南白羊溪巡溪東北注于奢延奢延水又東入于河山海經曰生水東流注于河

河水又南陵水注之

水出陵川北溪南逕其川西轉入河

河水又南得離石水口

離石北山南流逕離石縣故城西史記云秦昭王代趙取離石者也漢武帝元朔三年封代其王子劉歸爲侯國後漢西河郡治也其水又南出西轉

逕隰城縣故城南漢武帝元朔三年封代恭王子劉忠爲侯國王莽之茲平亭也胡俗語訛尚有干城之稱其水西流注于河也

又南過中陽縣西

中南縣故城在東東翼汾水隔越重山

不濱于河也

又南過土軍縣西

吐京郡治故城即土軍縣之故城也胡漢譚言皆訛僞變矣其城負長而不方漢高帝十一年以封武侯宣義爲侯國縣有龍泉出城東南道左山下牧馬川上多產名駒駿同滇池元河其水西北流至其城東南土軍水出道左高山西南注之龍泉



水又北屈逕其城東西北入于河

河水又南合契水

傍溪東入窮谷其源也又南至祿谷水口水源東窮此溪也

河水又南得大蛇水

發源溪首西流入河

河水又右納辱水

山海經曰辱水出于鳥其山上多桑其下多楮陰多鉄陽多玉其水東流注于河俗謂之秀延水東流得浣水口傍溪西轉窮溪便即浣水之源也延水又東會于根水西南溪下根水所發而東北注延水東南露跳水西出露溪東流又東北入延水

亂流注于河河水又南左合信支水水發源東露西流入于河河水又南左會石羊水巡溪東入道源窮谷西流注入河

又南過上郡高奴縣東

域谷水東啓荒源西歷長溪西南入于河水又南合溪口水出孔山南歷溪西流注于河孔山之上有穴如車輪三所東西相當相去各二丈許南北直通故謂之孔山也山在蒲城西南三十餘里河水又右會區水山海經曰次四經之首曰陰山西北百七十里曰申山其上多穀柞其下多柎樞多金五區水出焉而東流注于河世謂之清水上郡東流入于長城逕老人山下又東北流至老人谷

傍水北出極溪便得水源清水又東得龍尾水口水出北地神泉鄣北山龍尾溪東北流注清水又東會三湖水水出南山三湖谷東北流入清水清水又東逕高奴縣合豐林水地理志謂之洧水也故言高奴縣有洧水肥可醮水上有肥可接取用之博物志稱酒泉延壽縣南山出泉水大如管注地爲溝水有肥如肉汁取著器中始黃後黑如凝膏然極明與膏無異膏車及水碓缸甚佳方人謂之石漆水肥亦所在有之非止高奴縣洧水也項羽以封董翳爲翟王居之三秦此其一也漢高祖破以縣之王莽之利平矣民俗語訛謂之高樓城也豐林川長津瀉注北流會洧水又有溪谷水

注之水西出奚川東南流入洧水又東注于河河水又南蒲川石樓山南逕蒲城東

即重耳所奔之處也又南歷蒲子縣故城西今大魏之汾州治徐廣晉紀稱劉淵自離石南移蒲子者也闕駟曰蒲城在西北溪武置其水南出得黃盧水口東出歷蒲子城南東北入谷極溪便水之源也又南合紫川水水出東北出紫川谷西南合江水江水出江谷西北入紫水紫水又西北入蒲水蒲水又西南入于河水河水入南黑水水出定陽縣西山二源奇發同瀉一壑東南流逕其縣北又東南流右合定水俗謂之白水也水西出其縣南山定水谷更逕定陽縣故城南應劭曰縣在定



水經

四之五

河

漂

水經卷第四

漢桑欽撰

後魏酈道元注

河水四

河水又南過河東北屈縣西

河水南逕北屈縣故城西十里有風山上有穴如輪風氣蕭瑟習常不止當其衝飄也而略無生草蓋不定衆風之門故也風山西四十里河南孟門山山海經曰孟門之山其上多金玉其下多黃堊涅石淮南子曰龍門未闢呂梁未鑿河出孟門之上大溢逆流無有丘陵高阜滅之名曰洪水大禹踈通謂之孟門故穆天子傳曰北登孟門九河之蹬孟門即龍門之上口也實謂黃河之巨阨兼孟

津之名矣此石經始禹鑿河中湫廣夾岸崇深傾  
崖返捍巨石臨危若墜復倚古之人有言水非石  
鑿而能入石信哉其中水流交衝素氣雲浮往來  
遙觀者常若霧露沾人窺深悸魂其水尚崩浪萬  
尋縣流千丈渾洪轟怒鼓若山騰濤波顏疊迄于  
下口方知慎子下龍門流浮竹非駟馬之追也又  
有燕完水注之異源合舍西流注河

河水又南得鯉魚

歷澗東入窮溪首便其源也爾雅曰鱣鮪也出鞏  
穴三月則上渡龍門得渡爲龍矣否則點額而還  
非夫往還之會何能便有茲稱乎

河水又南羊求水入焉

東出羊求川西逕北屈縣故城南城則夷吾所奔  
邑也王莽之朕北也汲郡古文曰翟章救鄭次于  
南屈應劭曰有南故加北國語曰二五言於獻公  
曰蒲與二屈君之疆也其水西流注于河

河又南爲採桑津

春秋僖公八年晉里克敗狄于採桑是也

又南過皮氏縣西

赤水出西北罷谷川東謂之赤石川東入于河

河水又南合蒲水

西則兩源並發俱道一山出西河陰山縣王莽之  
山寧也陰山東麓南水東北與長松水合水出西  
三陽山東東北流左入蒲水蒲水又東北與北溪

會同爲一川東北注河

河水又南丹水西南

丹陽山東北逕冶東俗謂之丹陽城城之左右猶有遺銅矣其水東北會白水口水出丹山東而西北注之丹水又東東北入河

河水又南黑水

西出丹山東而東北入于河

河水又南至嶧谷傍

東北窮澗水源所導也西南流注于河

河水又南洛水自獵山枝分東派東南注于河

昔魏文侯築館洛陰指謂是水也皮氏縣王莽之延平也故城在龍門東南不得延逕皮氏方屆龍

門也

一本河上  
有大字

又南出龍門口汾水從東來注之

昔者大禹導河積石踈決梁山謂斯處也即經所謂龍門矣魏土地記曰梁山北有龍門山大禹所鑿通孟津河口廣八十步巖際鐫跡遺功尚存岸上并有廟祠祠前有石碑三所二碑文字紊滅不可復識一碑是太和中立竹書紀年晉昭公元年河赤于龍門三里梁惠成王四年河水赤于龍門三日京房易妖占曰河水赤下民恨

河水又南右合暢谷水

水自溪東南流逕夏陽縣西北東南注于河

河水又南逕梁山原東

原自山東南南出至河晉之望也在馮翊夏陽縣之西臨于河上山崩壅河三日不流晉侯以此問伯宗卽是處也春秋穀梁傳曰成五年梁山崩遏河水三日不流召伯尊遇輦者不避使車右鞭之輦者曰所以鞭我者其取道遠矣伯尊因問之輦者曰君親縞素率羣臣哭之斯流矣如其言而河流河水又南岨谷水注之

水出縣西北梁山東南流橫溪注之水出出三累山其山層密三成故俗以三累名山按爾雅山三成爲崑丘斯山豈亦崑丘乎山水際有二石室蓋隱者之故居矣細水東流注于岨谷側溪山南有石室西面有兩石室北面有二石室皆因阿結

牖連肩接闕所謂石室相距也東廂石上猶傳杵臼之跡庭中亦有舊宇處尚髣髴前基北坎室上有微涓石溜豐周瓢飲似是栖遊隱學之所昔子夏教西河疑卽此也而無辯之溪水又東南逕夏陽縣故城北少梁也秦惠文王十一年更從今名矣王莽之冀亭也其水東南流于河昔韓信之襲魏王豹也以木罌自北渡

河水又南右合陶渠水

水出西北梁山東南流逕漢陽太守殷濟精廬尚俗謂之子夏廟河水又南逕高門南蓋層阜墮缺故流東門之稱矣又東南逕華池南池方三百六十步在夏陽城西北四里許故司馬遷碑文云高



門華池在茲夏陽西城北漢陽太守殷濟精舍四里所今高門東去華池三里溪水又東南逕夏陽縣故城南服虔曰夏陽號邑也在太陽東三十里城南又歷高陽宮北又東南逕司馬子長墓北墓前有廟廟前有碑永嘉四年漢陽太守殷濟瞻仰遺文大其功德遂建石室立碑樹栢太史公自叙曰遷生於龍門是其墳墟所在矣溪水東南流入河昔魏文侯與吳起浮河而下美河山之固即於此也

河水又西徐水注之

水出西北梁山東南流逕漢武帝登仙宮東東南流絕疆梁石逕劉仲城北是漢祖兄劉仲之封邑

也故徐廣史記音義曰邵陽國名也高祖八年侯劉仲元年其水東南逕子夏陵北東入河

河水又南逕子夏石室

東南北有二石室臨側河崖即子夏廟室也

又南過汾陰縣西

河水東際汾陰睢縣故城在睢側漢高帝六年封周昌爲侯國魏土地記曰河東郡北八十里有汾陰城北去汾水三里城西北隅曰睢丘上有后土祠封禪書曰元鼎四年始立后土祠於汾陰睢丘是也又有萬歲宮漢宣帝神爵元年幸萬歲宮東濟大河而神魚舞水矣昔趙簡子沈纜激於此曰吾好聲色而是子致之吾好士六年不進一人是

過而點吾善君子以爲能譴矣

河水又逕郃陽城東

周威烈王之十七年魏文侯伐秦至鄭還築汾陰郃陽即此城也故有莘邑矣爲太姒之國詩云在郃之陽在渭之涘又曰纘汝維莘長子維行謂此也城北在北澆水南去二水各數里其水東逕其城內東入于河又於城南側中有澆水東南出城注于河城南又有澆水東流東注于河水南猶有文母廟前有碑去城十五里水即郃水也縣取名焉故應劭曰在郃水之陽也河水又南澆水入焉水出汾陰縣南四十里西去河三里平地開源澆泉上湧大幾如輪深則不測俗呼之爲澆魁古

人壅其流以爲陂水稻東西二百步南北一百餘步與郃陽澆水夾河中渚上又有一澆水皆相潜通故呂沈曰爾雅異出同流爲澆水其水西南流歷朔坂西西流注于河

河水又南逕陶城西

舜陶河濱皇甫士安以爲定陶不在此也然陶城在蒲坂城北城即舜所都也南去歷山不遠或耕或陶所在則可何必定陶方得爲陶也舜之陶也斯或一焉孟津有陶河之稱蓋從此始之南對蒲津關汲冢竹書紀年魏襄王七年秦王來見于蒲坂關四月越王使公師隅來獻乘舟始罔及舟三百箭五百萬犀角象齒焉

又南過蒲坂縣西

地理志曰縣故蒲也王莽更名蒲城應劭曰秦始皇東巡見有長坂故加坂也孟康曰晉文公以賂秦秦人還蒲於魏魏人喜曰蒲反矣故曰蒲反也薛瓚注漢書云秦世家以垣爲蒲反然則本非蒲也皇甫謐曰舜所都也或言蒲坂或言平陽及漢者也今城中有舜廟魏秦州刺史治太平遷都罷州置河東郡郡多流雜謂之徙民民有姓劉名墮者宿擅工釀採挹河流醞成芳酎懸食同枯枝之年排於桑落之辰故酒得其名矣然香醕之色清白若滄漿焉別調氛氲不與佗同蘭薰麝越自成馨逸方土之貢選最佳酌矣自王公庶友牽拂相

招者每云索郎有顧思同旅語索郎反語爲桑落也更爲籍徵之雋句中書之英談郡南有歷山也謂之歷觀舜所耕處也有舜井媯汭二水出焉南曰媯水北曰汭水迺歷山下上有舜廟周處風土記曰舊說舜葬上虞又記云耕於歷山而始寧剡二縣界上舜所耕田於山下多柞樹吳越之間名柞爲櫪故曰歷山余按周處此志爲不近情傳疑則可證實非矣安可假木異名附山殊稱疆引大舜即北寧懷更爲失誌記之本體差實錄之常經矣歷山媯汭言是則安於彼乖矣尚書所謂釐降二女於媯汭也孔安國曰居媯水之內王肅曰媯汭虞地名皇甫謐曰納二女於媯水之汭馬季

長曰水所出曰汭然則汭似非水名而今見有二水異源同歸渾流西注入于河

河水南逕雷首山西

山臨大河北去蒲坂三十里尚書所謂壺口雷首者俗亦謂之堯山山上有故城世又曰堯城闕駟曰蒲坂堯都按地理志曰縣有堯山有祠雷首山在南事有似而非非而是千載眇貌非所詳耳又南涑水注之

水出河北縣雷首山縣北與蒲坂分山有夷齊廟闕駟十三州志曰山一名獨頭山夷齊所隱也山南有古冢陵栢蔚然攢茂丘阜俗謂之夷齊墓其水也西南流亦曰雷水穆天子傳曰壬戌天子至

于雷首犬戎觴天子雷首之阿乃獻良馬四天子使孔牙受之于雷水之于是也昔趙盾由首山食祁彌明翳桑之下即於此也涑水又西南流注于河春秋左傳謂之涑川者也俗之謂陽安澗水又南至華陰潼關渭水從西來注之

汲都竹書紀年曰晉惠公十五年秦穆公帥師送公子重耳涉自河曲春秋左氏僖公二十四年秦伯納之及河子犯以璧授公子曰臣負羈繼從君巡於天下臣之罪多矣臣猶知之而況君乎請由此亡公子曰所不與舅氏同心者有如白水授璧於此子推哭曰天開公子子犯以爲功吾不忍與同位遂逃焉

河水歷船司空與渭水會

漢書地理志曰舊京兆郡之屬縣也左丘明國語云華嶽本一山當河河水過而曲行河神巨靈于盪脚蹋開而爲兩今掌足之跡仍存華巖開山圖曰有巨靈胡者偏得神元之道能造山川出河所謂巨靈顛負首冠靈山者也常有好事之人故升華嶽而觀厥跡焉自下廟歷列栢南行十一里東迴三里至中祠又西南出五里至南祠謂之北君祠諸欲升山者至此皆祈請焉從北南入谷七里又屆一祠謂之石養又母石龕木主存焉入南出一里至天井井裁容人穴空迂迴傾曲而上可高六丈餘山上又有微涓細水流入井中亦不甚沾

人上者皆所由涉更無別路欲出井望空視明如在室窺窓也出井東南行二里峻坂斗上斗下降此坂二里許又復東上百丈崖升降皆須扳繩挽葛而行矣南上四里路到石壁緣傍稍進逕一百餘步自此西南出六里又至一神名曰胡趨寺神像有童子之容從祠南歷夾嶺裁廣三尺餘兩箱崖數萬仞窺不見底祀祠有感則雲與之平也然後敢度猶須騎嶺抽身漸以就進故世謂斯嶺爲擗嶺矣度此二里便屆山頂上方七里靈泉二所一名蒲池西流注于澗一名太上泉東注澗下上宮神廟近東北隅其中塞實雜物事難詳載自上宮東北出四百五十步有屈嶺東南望巨靈手跡

唯見洪崖赤壁而已都無山下上觀之分均矣河  
在關內南流潼激關山因謂之潼關灌水注之水  
出松果之上北流逕通谷世亦謂之通谷水東北  
注于河述征記所謂潼谷水者也或說因水以名  
地也河水自潼關東北流水側有長坂謂之黃巷  
坂傍絕澗涉此坂以升潼關所謂沂黃卷以濟潼  
關矣歷北出東崐通謂之函谷關也遠岸天高空  
谷幽深澗道之峽車不方軌號曰天嶮故西京賦  
曰巖嶮周固衿帶易守所謂秦得百二并吞諸侯  
也是以王元說隗囂曰請以一丸泥東封函谷關  
圖王不成其弊足霸矣郭緣生記曰漢末之亂魏  
武征韓遂馬超連兵此地今際河之西有曹公壘

道來原上云李典營義熙十三年王師曾據此壘  
西征記曰公路逶迤入函道六里舊城城周百餘  
步北臨大河南對高山姚氏置關以守峽宋武王  
人長安檀道濟王鎮惡或據山爲營或平城結壘  
爲大小七營濱帶河嶮姚氏亦保據山原阜之上  
尚傳故跡矣關之直北隔河有層阜巍然獨秀孤  
峙河陽世謂之風陵戴延之之所謂風埽者也南  
則河濱姚氏之營與晉對岸  
河水又東北玉澗水注之

水南出玉溪北流逕皇天原西周固記開山東首  
上平博方可里餘三面壁立高千許仞漢世祭天  
於其上名之爲皇天原上有漢武帝思子臺又北

逕闕鄉城西郡國志曰弘農胡氏有闕鄉水世謂之闕鄉水也魏尚書僕射闕鄉侯河東衛伯儒之故邑其水北流注于河

河水又東逕闕鄉侯河東與全鳩澗水合

水出南山北逕皇天原東述征記曰全節地名也其西名桃原古之桃林周武王克殷休牛之地矣西征賦曰咸徵名於桃園者也晉太康地記曰桃林在闕鄉南谷中其水入北河注于河

又東過河北縣南

縣與湖縣分河蓼水出襄山蓼谷西南流于河河水又東永樂澗水注之

水北出干薄山南流逕河北縣故城西故魏國也

晉獻公滅魏以封畢萬卜偃曰魏大名也萬後其昌乎後乃縣之在河之北故曰河北縣也今城南西二面並去大河可二十餘里北去首山一十許里處河山之間土地迫隘故魏風著十畝之詩也城內有龍泉南流出城又南斷而不流永樂溪水又南入于河余按中經即渠豬之水也太史公封禪書稱華山以西名山七薄山有其一焉薄山即襄山也徐廣曰蒲坂縣有襄山山海經曰蒲山之首曰甘桑之山共水出焉而西流注于河東則渠豬之山渠豬之水出焉而南流注于河如淮封禪書二水無西南流河之理今診蓼水川流所趣與共水相扶永樂溪水導源注于河又與渠豬勢合

蒲山統自總稱亦與襄山不殊故楊雄河東賦曰  
河靈攬跼掌華蹈襄注去襄山在潼關北十餘里  
以是推之知襄山在蒲坂蓼水即渠豬之水也  
河水自河北城南東逕芮城

二城之中有段干木塚干木晉之賢人也魏文侯  
過其門軾其廬所謂德尊萬古芳越求今矣汲冢  
竹書紀年曰晉武功元年尚一軍芮人乘京荀人  
董伯皆叛匪直大荔故芮也此亦有焉紀年又云  
晉武功七年芮伯萬之母芮姜逐萬萬出奔魏八  
年周師虢師圍魏取芮伯萬而東之九年戎人逆  
芮伯萬于邲斯城亦或伯萬之故書也

河水又會槃澗

水出湖縣夸父山北逕漢武帝思子宮歸來望亭  
臺東又北流入于河

河水又東逕湖縣故城北

昔范叔入關遇穰侯於此矣湖水出桃林塞之夸  
父山廣負三百仞武王伐紂天下既定王及嶽濱  
放馬華陽散牛桃林即此處也其中多野馬造父  
於此得驂騮綠耳盜驪之乘以獻周穆王使之馭  
以見西王母湖水又北逕湖縣東而北流入于河  
魏土地記曰弘農湖縣有軒轅黃帝登仙處黃帝  
採首山之銅鑄鼎於荆山之下有龍垂胡於鼎黃  
帝登龍從龍者七十人遂昇於天故名其地爲鼎  
湖荆山在馮翊首山在蒲坂與湖縣相連晉書地



道記大康記並言胡縣也漢武帝改作湖俗云黃帝自此乘龍上天也地理志曰京兆湖縣有周天子祠二所故曰湖不言黃帝升龍也山海經曰西九十里曰夸父之山其木多椶櫚多竹箭其陽多玉其陰多鐵其北有林焉名曰桃林其中多馬湖水出焉北流注于河故三秦記曰桃林塞在長安東四百里若有軍馬經過好行則牧華山休息林下惡行則決河漫延人馬不得過矣

河水又東合栢谷水

水出弘農縣兩石隄山山下有石隄祠銘云魏甘露四年散騎常侍征南將軍豫州刺史領弘農太守南平公之所經建也其水北流逕其亭下昔公

子重耳出亡及栢谷下適齊楚狐偃曰不如之翟漢武帝嘗微行此亭見饋亭長妻故潘岳西征賦曰長徵容於栢谷妻覩貌而獻餐謂此亭也谷水又北流入于河

河水又東右合門水

門水即洛水之支流者也洛水自上洛縣東北於拒城之西北分爲二水枝渠東北出爲門水也門水又東北歷陽華之山即華陽山海經所謂陽華之山門水出焉者也又東北歷峽謂之鴻關水東有城即關亭也水西有堡謂之鴻關島世亦謂之劉項裂城處非也余按上洛有鴻臚圍池是水津渠泂注故謂斯川爲鴻臚澗鴻關之名乃起是矣

門水又東北歷邑川燭水注之左水出于陽華之陽陰東北流逕盛墻亭西東北流與右水合水俱出陽華之陰東北流逕盛墻亭東北與左水合即山海經所謂緒茹之水出于陽華之陰東北流注于門水者也又東北燭水注之水有二源左水南出于衡嶺世謂之石城山其水東北流逕石城西東北合右水出石城山東北逕石城東北入左水地理志曰燭水出衡嶺下谷開山圖曰衡山在函谷山西南是水亂流東注于緒茹之水二水悉得通稱矣歷澗東北出謂之開方口水側有阜名之方伯堆宋奮武將軍魯方平建盛將軍薛安都等與建威將軍柳元景北入軍次方伯堆者也堆

上有城即方伯所築也又東北逕入川城南即漢封竇門之故邑川受其名亦曰竇門城在函谷關南七里又東北曰渠川水注之出衡山之白石谷東北流逕故丘亭東是薛安都軍所從城也其水又逕鹿蹄山西山石之上有鹿蹄自然成者非人工所刊歷田渠川謂之曰渠水西北流注于燭水燭水又北入門水水之左右即函谷山也門水又北逕弘農縣故城東城即故函谷關校尉舊治處也終軍棄繻於此燕丹孟嘗亦義動雞鳴於其下可謂深心有感志誠難奪矣昔老子昔入關尹喜望氣於此也故趙至與嵇茂齊書曰李叟入秦及關而歎亦言與嵇叔夜書及關尹望氣之所異說

紛綸並未知所定矣漢武帝元鼎四年徙關於新安縣以故關爲弘農縣弘農郡治王莽更名右隊劉相公爲郡虎相隨渡河光武聞而善之其水側城北流而注于河河水於此有涇津之名說者咸云漢武微行栢谷遇辱寶門又感其妻深識之饋旣返玉階厚賞賚焉賜以河津令其鬻渡今寶津者是也故潘岳西征賦酬匹婦其已泰胡厥夫之謬官袁豹之徒並以爲然余按河之南畔夾側水濱有測謂之涇津河北縣有涇水涇津其水南入于河河水故有涇津之名不從門始蓋事類名同故作者是之竹書穆天子傳曰天子自寶軫乃次于涇水之陽丁亥入于南鄭考其泐歷所鍾路直

斯津以是推之知非因門矣俗或謂之偃鄉澗水也河水又在左右一水其水三源疏引俱導薄山南流會成一川其三水之內世謂之閑原言虞芮所爭之田所未詳矣又南注于河河水右會水注之水出南山北逕曹陽亭西陳涉遣周章入秦少符章邯斬之於此魏氏以爲好陽晉書地道記曰亭在弘農縣東十三里其水西北流入于河河水又東菑水注之水出常丞之山西北逕曲沃城南又屈逕其城西西北入河諸注述者咸言曲沃在北此非也魏司徒崔浩以爲曲沃地名也余按春秋文公十三年晉侯使詹嘉守桃林之塞處此以備秦時以曲沃之官守之故曲沃之名遂爲積古

之傳矣河水又東得七里澗澗在陝西七里故國  
名焉谷水自南山通河亦謂之曹陽坑是以潘岳  
西征賦曰行於漫瀆之口憇於曹陽之墟桓豹崔  
浩亦不非其地矣余按漢書昔獻帝東遷逼以寇  
難李傕郭汜追戰於弘農澗天子遂露次曹陽楊  
奉董丞外與傕和內引白波李樂等破傕乘輿於  
是得進復來戰奉等大敗兵相連綴四十餘里方  
得達陝以推之似非曹陽然以山海經曰求之菑  
曹字相類是或有曹陽之名也河水東合譙譙水  
導源常丞之山俗謂之爲于山蓋先後之異名也  
山陝城南八十里其川流也二源雙導同注一壑  
而西北流注于河

又東過陝縣北

橐水橐出山西北流又有于水出南山北合逕崖  
峽北流與于山之水會出于山東谷兩川合注于  
崖水又東北注橐水北流出谷謂之漫澗矣與安  
陽溪水合水出石嶠南西逕安陽城南漢武帝封  
上官傑爲侯國也潘岳所謂我祖安陽也東合漫  
澗水北有逆旅亭謂之漫口客舍也

又西逕陝縣故城南

又合一水謂之瀆谷水南出近溪北流注橐其水  
又西北逕陝城西西北入于河河北對茅城故茅  
亭茅戎邑也公羊曰晉敗之大陽者也津亦取名  
焉春秋文公三年秦伯伐晉自茅津濟封嶠尸而

還是也東則咸陽澗水注之水出北虞山南至陝  
津注河河南即陝城也昔周邵分伯以此城爲東  
西之別東城即虢邑之上陽也虢仲之所都爲南  
虢三虢此其一焉其大城中有小城故焦國也武  
王以封神農之後於此王莽更名黃眉矣戴延文  
云城南倚山原北臨黃河懸水百餘仞臨之者咸  
悚惕焉西北帶河水湧起方數十丈有物居水中  
父老云銅翁仲所投處又云石虎載經終此沈沒  
二物並存水所以湧所未詳也或云翁仲頭髻常  
出水之漲減恒與水齊晉軍當至髻不復出今唯  
見水異耳嗟嗟有聲聲聞數里按秦始皇二十一  
年長狄十二見於臨洮長五丈餘以爲善祥鑄金

人十二以象之各重二十四萬斤坐之宮門之前  
謂之金狄皆銘其背云皇帝二十六年初兼天下  
以爲郡縣正法律同度量大人來見臨洮身長五  
丈足六尺李斯書也故衛恒叙篆曰秦之李斯號  
爲工篆諸山及銅山銘皆斯書也漢自防虜徙之  
未央前俗謂之翁仲矣地皇二年王莽夢銅人立  
惡之念銅人銘有皇帝初兼天下文使尚方工鑄  
滅所夢銅人膺文後董卓毀其九爲錢其在者三  
魏明帝欲徙之洛陽重不可勝至霸水西停之漢  
晉春秋曰或言金狄泣故留之石虎取置鄴宮符  
堅又徙之長安毀二爲錢其一未至而符堅亂百  
姓推置陝北河中於是金狄滅除以爲鴻河巨瀆

故應不爲細梗躓湍流長津碩浪無宜以徵物屯  
流斯水之所以濤波者蓋史記所云魏文侯二十  
六年虢山崩壅河所致耳獻帝東遷自夕潛渡墜  
坑爭舟舟皆可掬亦是處矣

又東過大陽縣南

交澗水出吳山東南流入河河水又東路澗水亦  
出吳山東逕大陽城西西南流注水入于河

河水又東逕大陽縣故城南

竹書紀年曰晉獻公十有九年獻公會虞師伐虢  
滅下陽虢公醜奔衛獻公命瑕父呂甥邑于虢都  
地理志曰北虢也有天子庾王莽更名勤田應劭  
地理風俗記城南大河之陽也

河水又東沙澗水注之

北出虞山東南逕傳巖歷傳說隱室前俗名之爲  
聖人窟孔安國傳傳說隱於虞虢之間即此處也  
傳巖東北十餘里即巖幹坂也春秋左傳所謂入  
自巖幹者也有東西絕澗左右幽空窮深地壑中  
則築以成道指南北之路謂之爲幹橋也傳說傭  
隱止息於此高宗求夢得之是矣橋之東北有虞  
原上道東有虞城堯妻舜以嬪于虞者也周武王  
以封太伯弟虞仲於此是爲虞公太原地記所謂  
北虞也城東有山世謂之五家冢冢上有虞公廟  
春秋穀梁傳曰晉獻公將伐虢荀息曰君何不  
以屈產之乘垂棘之璧假道於虞公曰此晉國之寶

也曰是取中府置外府也公從之及取虢滅虞乃牽馬操壁壁則猶故馬齒長矣即宮之奇所以謂虞虢其猶輔車相依唇亡則齒寒虢亡虞亦亡矣其城北對長坂二十許里謂之虞坂戴延之曰自上及下七山相重戰國策曰昔騏驎駕鹽車上於虞坂遷延負轅而不能進此蓋其困處也橋水東北山溪中有小水西南流沙澗亂流逕太陽城東河北郡治也澗水南流逕注于河河水又東右左合積石土柱二溪並北發太陽之山南流入于河是山也亦通謂之爲薄山矣故穆天子傳曰天子自臨已丑南登于薄賓軫之際乃宿于虞是也又東過砥柱間

砥柱山名也昔禹治洪水山陵當水者鑿之故破山以通河河水分流包山而過山見水中若柱然故曰砥柱也三穿旣決水流踈分指狀表目亦謂之三门矣山在虢城東北太陽城東也搜神記稱齊景公渡于江沈之河鼃銜左駿沒之衆皆惕右治子於是拔劍從之邪行五星逆行三里至于砥柱之下乃鼃也左手持鼃頭右手挾左驂鸞躍鷁踴而出仰天大呼水爲逆流三百步觀者皆以爲河伯也亦或作江沅字者也若因地而爲名則宜在蜀及長沙按春秋此二土並景公之所不至古治子亦無因而騁其勇矣劉向叙晏子春秋稱古治子曰吾嘗濟於河鼃銜左驂以入砥柱之流嘗

是時也從而殺之視之乃鼃也不言江沅矣又考  
史遷記云景公十二年公見晉平公十八年復見  
晉昭公旌軒所指路直斯津從鼃砥柱事或在茲  
又云觀者以爲河伯賢於江沅之證河伯本非江  
神又何可知也

河之右則嶠水注之

出河南盤嶠山西北流水上有梁俗謂之鴨橋也  
歷澗水東北流與石嶠水合水出石嶠山山有二  
陵南陵夏后臯之墓也北陵文王所避風雨矣言  
山徑委深峯阜交陰故可以避風雨也秦將襲鄭  
蹇叔致諫而公辭焉蹇叔哭子曰吾見其出不見  
其入晉人禦師必於嶠矣余收爾骨焉孟明果覆

秦師於此嶠水又北左右合西水亂流注于河

河水又東于嶠之水注焉

水南導于于嶠之山其水北流纏路二道漢建安  
中曹公西討巴漢惡南路之嶮故更開北道自後  
行旅率多從之今山側附路有石銘云晉太康三  
年弘農太守梁抑脩復舊道太嶠以東西嶠以西  
明非一嶠也西有二石又南五六十步臨溪有恬  
漠先生翼神碑蓋隱斯山也其水北流注于河河  
水翼岸夾山巍峯岐舉羣山疊秀重嶺千霄鄭玄  
按地說河水東流貫砥柱觸闕流今世所謂砥柱  
者蓋乃闕流也砥柱當在西河未詳也余按鄭玄  
所說非自西河當無山以礙之自砥柱以下五戶



巴上其間一百二十里河水竦石築出勢連襄陵  
蓋亦禹鑿以通河疑此閼流也其山雖闢尚梗湍  
流激石雲洄濼波怒深合有一十九灘水流迅急  
勢同三峽破害舟船自古所患漢鴻嘉四年楊焉  
言從河上下患砥柱隘可鑄廣之上乃令焉鑄之  
裁沒水中不能復去而令水益湍怒害甚平日魏  
景初二年二月帝遣都督沙兵部監運諫議大夫  
寇茲帥五千人歲常修治平河岨晉秦始皇三年  
正月武帝遣監運太中大夫趙國都匠中郎將河  
東藥世帥衆五千餘人修治河灘事見五戶祠銘  
雖世代加功水流湍濟濤波尚屯及其商舟是次  
鮮不踟躕難濟故有衆峽諸灘之言五戶灘名也

有神祠通謂之五戶將軍亦不知所以也

又東過平陰縣北又東至鄧清水從西北來注之

清水出清廉山之西嶺世亦謂清營山其水東南  
流出峽峽左有城蓋古關防也清水歷其南東流  
逕臯落城北服虔曰赤翟之都也世謂之倚毫城  
蓋讀聲近傳因失實也春秋左傳所謂晉僕使太  
子中生伐東山臯落氏者也與倚毫川水合水出  
北山礦谷東南流注于清清水又東逕清廉城南  
又東南流又會南溪溪水出南山而東注清水又  
東合棗澗水水出左人嶺下南流俗謂之扶蘇水  
又南歷紆苗北馬頭山赤曰白水原西南逕垣縣  
故城北史記魏武侯二年城安邑至垣即是縣也

其水西南清水色白濁初會清流流注乃有玄素之異也清水又東南逕陽壺城東即垣縣之壺城東即垣縣之壺丘亭晉遷宋五大夫所居也清水又東南流注于河

河水又東與教水合  
出垣縣北教山南逕輔山高三十許里上有泉不測其深頂山周員五六里少草木山海經曰孟門東南有平山水出于其上潛于其下又是王屋之次疑即平山也其水南流歷鍾鼓上峽懸洪五丈飛注流壑夾岸深高壁立直上經崖秀舉百有餘丈峯次青松元巖頰石於中歷落有翠栢生焉丹青綺分望若圖繡矣水廣一十許步南流歷鼓鍾

川分爲二澗一澗西北出一百六十許里山岫迴岨纔通馬步今聞喜縣東北谷口猶有乾河里故溝存焉今無復有水一水歷治官西世人謂之鼓鍾城城之左右猶有遺銅及銅錢也城西阜下有大泉西流注澗與教水合伏入石下南至下峽山海經曰鼓鍾之山帝臺之所以觸百神即是山也其水重源又發南至西馬頭山東載坡下又伏流南十餘里復出又謂之伏流水南入于河山海經曰教山教水出焉又南流注于河是水冬乾夏流實惟乾河也今世人猶謂之爲乾澗矣

河水又與畛水合

水出新安縣青要山今謂之疆山山海經曰河長

滹水北流入于河山海經曰青要之山畛水出焉  
即是水也河水又東正過之水入焉水出醜山疆  
山東阜也東流俗謂之疆川水與石等瓜川合出  
西北石澗中東南流注于疆水疆水又東逕疆治  
鐵官東東北流注于河

河水又東合庸庸之水

水出河南垣縣宜蘇山俗謂之長泉水山海經曰  
水多黃貝伊洛門也其水北流分爲二水一水北  
入河一水又東北流注于河

河水又東逕平陰縣北

地理風俗記曰河南平陰縣故晉陰地陰戎之所  
居又曰在平城之南故曰平陰也三老董公說高

祖處陸機所謂皤皤董叟謨我平陰者也魏文帝  
改曰河陰矣

河水西會濬水一作右會

水出垣縣王屋西山濬溪夾山東南流逕故城東  
即濬關也漢光武建武二年遣司空王梁北守濬  
關天井關擊赤眉別校皆降之獻帝自陝北渡安  
邑東出濬關即是關也濬水西屈逕關城南歷軹  
關南逕苗亭西亭故周之苗邑也又東流注于河  
經書清水井也是乃濬水耳

水經卷第四

水經卷第五

漢桑欽撰

後魏酈道元注

河水五

漂水

河水又東過平陰縣北湛水從北來注之河水又東逕河陽縣故城南

春秋經書天王狩于河陽壬申公朝于王所晉侯執衛侯而歸于京師春秋左傳僖公二十八年冬會于温執衛侯是會也晉侯召襄王以諸侯見且使王狩仲尼曰以臣召君不可以訓故書曰天王狩于河陽言非其狩地服虔賈逵曰河陽温也班固漢書地理志司馬彪袁崧郡國志晉太康地道記十三州志河陽別縣非温邑也漢高帝六年封

水經卷第五

漢桑欽撰

後魏酈道元注

河水五

漂水

河水又東過平陰縣北湛水從北來注之河水又東逕河陽縣故城南

春秋經書天王狩于河陽壬申公朝于王所晉侯執衛侯而歸于京師春秋左傳僖公二十八年冬會于温執衛侯是會也晉侯召襄王以諸侯見且使王狩仲尼曰以臣召君不可以訓故書曰天王狩于河陽言非其狩地服虔賈逵曰河陽温也班固漢書地理志司馬彪袁崧郡國志晉太康地道記十三州志河陽別縣非温邑也漢高帝六年封

陳絹爲侯國王莽之河亭也十三州志曰治河上  
河孟津河也郭緣生述征記曰踐土今治坂城是  
名異春秋焉非今河北見者河陽城故縣也在治  
坂西北蓋晉之溫地故羣儒有溫之論矣魏土地  
記曰治坂城舊名漢祖渡城嶮固南臨孟津河洛  
陽西北四十二里故鄧鄉矣

河水又逕臨平亭北

帝王世紀曰光武葬臨平亭南西望平陰者也

河水又東逕洛陽縣北

河之南岸有二碑北面題云洛陽北界水二渚分  
爲之也上舊有河平侯祠祠前有碑今不知所在  
郭頒世語曰晉文王之世大魚見孟津長數百步

高五丈頭在南岸尾在中渚河平侯祠即斯祠也  
河水又東逕平縣故城北

漢武帝元朔三年封濟北眞王子劉遂爲侯國王  
莽之所謂治平矣俗謂之小平也有高祖講武場  
河北側岸有二城相對置北中郎府徙諸從隸府  
戶并羽林虎賁領隊防之河水南對首陽山春秋  
所謂首戴也夷齊之歌所矣曰登彼西山上有夷  
齊之廟前有二碑並是後漢河南尹廣陵陳導洛  
陽令徐循與處士平蘇騰南陽何進等立事見其  
碑又有周公廟魏氏起玄館於芒垂武張景陽玄  
武觀賦所謂高樓特起竦峙岩堯直亭以孤立延  
千里之清飈也朝廷有置冰室於斯臯室內有冰

井春秋左傳曰日在北陸而藏冰常以十二月採冰於河津之隘峽石之阿北陰之中即邠詩二之日鑿冰冲冲矣而內於井室所謂納于凌陰者也河南有鉤陳壘世傳武王伐紂八百諸侯所會處尚書所謂不期同時也紫微有鉤陳之宿主鬪訟兵陣故遁甲攻取之法以所攻神與勾陳并氣下制所臨之辰則秩禽敵是以壘資其名矣河水水斯有盟津之目論衡曰武王伐紂升舟陽侯波起疾風逆流武王操黃鉞而麾之風波畢除中流白魚入於舟熿以告天與八百諸侯咸同此盟尚書所謂不謀同辭也故曰孟津亦曰盟津尚書所謂東至于孟津者也又曰富平津晉陽秋曰杜預造

橋於富平津所謂造舟爲梁也又謂之曰陶河魏尚書僕射杜畿以帝將許試樓船覆於陶河謂此也昔禹治洪水觀於河見白面長人魚身出曰吾河精也授禹河圖而還於淵及子朝篡位與敬王戰乃取周之寶玉沈河以祈福後二日津人得之於河上將賣之則變而爲石及敬王位定得玉者獻之復爲玉也

河水又東俱水入焉

山海經曰和山上無草木而多瑤碧實惟河之九都是山也五典九水出焉合而北流注于河其陽多倉玉吉神泰逢司之是於葦山之陽出入有光呂氏春秋曰夏后氏孔甲田于東陽葦山遇大風

雨迷惑入于民室皇甫謐帝王世紀以爲即東首陽山也蓋是山之殊目矣今於首陽東山無水以應之當是今古世懸或川改狀矣昔帝堯脩壇河洛擇良議沈率舜等升于首山而導河渚有五老遊焉相謂河圖將來告帝以期知我者重瞳也五老乃翻爲流星而升於昴即於此也

又東沛水注焉又東過鞏縣北

河水於此有五社度爲五社津建武元年朱鮪遣持節使者賈彊討難將軍蘇茂將三萬人從五社津渡攻溫馮異遣校尉與寇恂合擊之大敗追至河上生擒萬餘人投河而死者數千人縣北有山臨謂之崋原丘其下有穴謂之鞏穴言潛通浦北

達於河直穴有渚謂之鮪渚成公子安大河賦曰鱣鯉王鮪暮來遊周禮春鹿鮪然非時及佗處則無故河自鮪穴已上又兼鮪稱呂氏春秋稱武王伐紂至鮪水紂使膠鬲侯即是

洛水從縣西北流注之

洛水於鞏縣而東洛汭北對琅邪渚入于河謂之洛口矣自縣西來而北流注洛清濁異流皦焉殊別應瑒虛河賦曰資虛川之遐源出崑崙之神丘涉津洛之峻泉播九道於中州者也

又東過成臯縣北濟水從北來注之

河水自洛口又東左逕平高縣南又東逕懷縣南濟水故道之所入與成臯分河水



河水又逕黃馬坂北

謂之黃馬關孫登之去陽駿作書與洛中故人處也

河水又東逕旋門坂北

今成臯西大坂者也昇陟此坂而東趣成臯也曹大家東征賦曰望河洛之交流看成臯之旋門者也

河水東逕成臯大伾山下

爾雅曰山一成謂之伾許慎呂忱等並以為丘一成也孔安國以為再成曰伾亦或以為地名非也尚書禹貢曰過洛汭至大伾者也鄭康成曰地喉也流出伾際矣然則大伾在河內修武武德之界

濟沅之水與滎播澤出入自此然則大伾即是山矣伾北即經所謂濟水從此來注之者也今沛水自溫縣入河不於此也所入者奉溝水耳即濟沅之故瀆矣成臯縣之故伾上營帶伾臯絕岸峻周高四十許丈城張習嶮峭而不平春秋傳曰制巖邑也虢叔死焉即東虢也魯襄公二年七月晉成公與諸侯會于咸遂城虎牢以逼鄭求平也蓋脩故耳穆天子傳曰天子射鳥獵獸於鄭圃命虞人掠林有虎在於葭中天子將至七萃之士高奔戎生擒虎而獻之天子命之為押畜之東虞是曰虎牢矣然則虎牢之名自此始也秦以為關漢乃縣之城西北隅有小城周三里北面列觀臨河若若

孤上景明中言之壽春路直茲邑昇眺清遠勢盡  
川陸羈途遊至有傷深情

河水南對玉門

昔漢祖與滕公潛出濟於是處也門東對臨河側  
岸有土穴魏攻此同州刺史毛德祖於虎牢戰經  
二百日不尅城唯一井井深四十丈山勢峻峭不  
容防捍潛作地道取井余頃因公至彼故徃尋之  
其穴處猶存

河水又東合汜水

水南出浮戲山世謂之曰方山也北流車關水出  
于嵩渚之山也泉發于層阜之上源兩枝分流  
瀉注世謂之石泉水也東流爲索水西注爲車關

西北流楊蘭水注之水出非山西北流注爲車關  
水又西北蒲水入焉水自東浦西流與車關水合  
而亂流注于汜汜水又北右合石城水水出石城  
山其山複澗重嶺欹疊若城山頂泉流瀑布懸瀉  
下有溫泉東流洩注邊有數十石畦畦有聲野蔬  
巖側石窟數口隱跡存焉而不知誰所經始也又  
東北流注入于汜水汜水下北合鄆水水西出婁  
山至冬則煖故世謂之溫泉東北流逕田鄆谷謂  
之田鄆溪水東流注于汜水汜水又北逕虎牢城  
東溪破司馬欣曹咎於是水之上汜水又北流注  
于河征難賦所謂步汜口之芳草弔周襄之鄙館  
者也余按儒之論周襄所居在潁川襄城縣是乃